

Consieur

C'est bien à mon grand regret que mon indisposition me prive
de l'honneur de pouvoir servir Son Alt.^{se} Monseigneur le Prin
ce d'Orange de ma personne, comme du fond de mon cœur j'ous
souhaitto si ma disposition l'eust voulu ~~certainement~~ permettre.
Toutefois mon mal s'estant grandement amoindry: bien que
pour l'heure je ne sente encor assez de force en l'un des
mes jambes pour pouvoir monter a cheval ou faire les services
que je desireroij: me fait esperer qu'en peu de temps je me
pourray trouver en estat de me rendre à ce devoir tant souhait
té. En moyen temps ayant appris qu'il y auroit une Com
paignie de mon Regiment qui est due de va rendre vacante,
sans que en aye plus de connoissance, je reviens a vous supplier
qu'en tel cas il vous plaise m'impertir et faire voir les
loffects de vostre faveur et amitié dont j'ay tant de fois
ressenty les preuves. C'est que je vous conjure de vouloir
porter vostre assistance et credit au S.^r Leopold de Caert
Huyssen Capite Lieutent de ma Comp.^{ie} Colonelle a Maestricht,
gentilhomme de bonne extraction du pays de Borgh qui est
marié avec la fille naturelle de mon frere le Baron de Dyden
Et qui a seruy longués années bien et fidellement et s'est jusq
ores tousjours comporté en soldat de courage et d'honneur.
Lequel aussi ay plusieurs fois interposé mes tres-humbles
intercessions a sad.^{te} Altesse lors que la Comp.^{ie} de feu Mons.
Gont estoit vacante l'ayant passé. Comme aussi mon frere
susdit vous l'avoit au mesme temps recommandé tresin
stamment. Esperant que en la consideration de nous deux
il vous plaira comporter tout ce que pourray en ceste
occasion, afin que led.^s S.^r Caert Huyssen puisse estre beneficiary
de lad.^e Comp.^{ie} qui peut estre vacante en mon Regiment.
Et si il plaist a Monseign.^r le Prince me faire ce bien et à
mon frere, que d'en chemin le present Enseigne de la mesme
Comp.^{ie} Colonelle, nommé Engelbert ten Horckel, gentilhomme
du pays d'Overyssel qui a tresbien seruy plusieurs années qu'il
a esté Officier de lad.^e Comp.^{ie}, puisse succeder en la Lieuten
nance d'icelle, comme il merito bien par ses services et bons
comportements depuis plusieurs ans qu'il a porté les armes
et commandé en Officier. Et que venant à résister comme
j'ay de la grace et bienveillance de Monseign.^r le Prince
susdit

Je voudroÿ vous prier encorés au plus affectuôsement
me tant obliger que de faire tout ce qui aucunement
possible vous sera pour impetrer le drapeau de mad.
Comp.^{ie} pour Jean le Maître, jeune homme de fort bonne
qualité, qui a servy longués années tant es guerres esma-
gorres qu' en ces pays-cy, tant a cheval qu' a pied, et s'en
est tousjours honorablement et couragûsement acquité.
Aquel je me sente obligé pour divers bons et fideles
services qu' il a rendu tant au pays sous ma Compaignie
qu' a moy en mon particulier. Il y trouvant de tant
plus interressé que mon esperance est de redresser par sa
fidelité, capacité et experiance qu' il a en la milice
quelques desordres glissez dans ma dite Compaignie depuis
quelqz temps, au grand préjudice aussi bien de la Comp.^{ie}
mesme qu' on est aucunement affoiblie, que de mon par-
ticulier. La fiance que j'ay en v^{re} affection sincere
meurs moy et mon trescher frere susd.^t me donne la cer-
titude de vous donner ceste importunité, Vous asseurant
s' il vous plaist de condescendre a ceste mienne tres affectu-
euse et bien humble supplication que je le tiendray a
honneur et faveur tant signalée que j'en demoureray
eternellement obligé a vous servir et gratifier reciproque-
ment en et par tout où vous jugerez que mes services
vous pourront estre utiles. Je n'en oferis pas a Sad.^e
Altesse pour n'estre assez assuré qu' il y aqur une
Comp.^{ie} en mon Regiment comme on m'a voulu certifier.
Et me remettant en confiance et totalement a v^{re} fa-
veur et bonne conduite de laquelle apert Dieu et les
graces de Sad.^e Al.^e j'attendray ces benefices j'en seray
de tant plus

Monsieur

Vostre plus humble serviteur.

M. G. de Gent

D'Amersfort le 20^{me}
Juillet. 1635.